

署理香港總督部堂馬

為

申明例約事照得香港久為藩屬居此地者即為我

大英統治之民應如何保安之處諒四方官民素所深知詎意周泰和管帶

藝新炮船由福建到港擅自行權拿人此等作為不獨蔑視

大英國體抑且故違公法本署部堂自不能任其躁妄故即開釋被拿之人

並將此案各節咨請

署理駐京欽差大臣轉咨

大清總理各國事務衙門核辦旋准回文內開該員妄為殊深惋惜已行令

閩浙總督備文來港謝過並函知各直省督撫嚴飭所屬不得擅往香

港拿人等因隨又准

楊制軍電開業已將周泰和摘去頂戴並撤銷委札矣懇請寬其既往

各等因理將此案曉示爾居民人等知悉爾等身居港地例有自主

之權斷不任人稍為拘制而匪類等亦不許潛住港中希逃顯戮須知

大英與

大清和好有年且條約內載中國人因犯法逃在香港或潛住英國船中

者中國官照會英國官嚴拿查明實係罪犯交出通商各口等語本署

部堂必念友邦之誼和約之嚴辦具來安之懷實不能為爾等寬一線

也各官警緝勿忽特示

一千八百八十六年 四月 二十二日示

憲示 第一百六十七號

署輔政使司史

諭知招人投接事照得現要招人投接在黃泥涌新填之地鋪草皮所

有票投均在本署收截限期收至英五月十四日即禮拜五正午止如

欲取投票格式可赴本署求取倘另欲觀看章程及知詳細者前赴工

務署示可也各票價列低昂任由

國家棄取或總乘而不取為此特示

憲示 第一百六十八號

為

署輔政使司史

諭知招投承接事照得現要招人投接建造暗渠三百零二尺海墻二

十五尺粗石堤岸一百五十九尺及填復海旁地段第二百六十六號

之北邊所有票投均在本署收截限期收至英本年五月二十六日即

禮拜三日正午止如欲取投票格式可赴本署求取倘另欲觀看章程

及知詳細者前赴工務司署請示可也各票價列低昂任由

國家棄取或總乘而不取為此特示

一千八百八十六年 五月

初八日示

憲示 第一百六十九號

署輔政使司史

既諭事照得現奉

督憲諭將港內各銀行所呈報英本年四月份所簽發通用銀紙并所

存現銀之數開示於下為此特示

一千八百八十六年 五月 初八日示

英國印度中國匯理銀行簽發通用銀紙三十八萬七千五百九十八圓

實存現銀十三萬圓

印度新金山中國匯理銀行簽發通用銀紙一百零六萬二千一百零三

圓

實存現銀五十萬圓

香港上海匯理銀行簽發通用銀紙二百六十六萬六千圓

實存現銀一百四十萬圓

一千八百八十六年 五月 初八日示

國家棄取或總乘而不取為此特示